

## 17.25 CUNTRASTS SIN SRF 1

---

### **Neglas, pitgs e stailas – per crusch e travers il retgamar**



Sch'igl è surcusì u retgamà en cotschen, sin glin alv, cun stailas u neglas – lura è il facit cler: Qua sa tracti dad insatge tipic grischun, da pitg da crusch. Uschè tipic grischun n'è il pitg da crusch dentant betg. Anzi, el è intercultural ed interna-ziunal. Quai mussa l'exposiziun actuala dal Museum d'art grischun. E gea, mu-seum d'art e retgamar sa cunfan, uschè bain sco pitg da crusch e neglas. Retga-mar n'è betg be quella lungurusa istorgia en scola da cuser, ma ina pussaivladad da crear art, meditar e perfin far protest po-litic. Ils «Cuntrasts» van per crusch e tra-vers il retgamar, respundan a la dumon-da cardinala, quant bel che la vart davos dal pitg da crusch duai esser e tema-tisescha cun in dals curaturs da l'exposi-ziun, il directur artistic dal museum Ste-phan Kunz, sche er surprender mails da granat, neglas e liuns sin retgams grischuns saja perfin appropriaziun culturala.